

天下郡國利病書卷十六

崑山顧炎武寧人輯  
成都龍萬育燮堂訂

吳縣

疆域

附府城西

巡司

本瀆巡簡司

東山巡簡司

角頭巡簡司

舊有演金巡  
簡司今革

山水

陽山一名秦餘杭山一名萬安在府城西北三十里透

卷十六

江南四

一

迤二十餘里其大峰一十五而箭缺為絕頂戰國策云  
越王以散卒三千禽夫差於千隧今萬安山有遂山是  
也共下有射瀆

橫山在府城西南二十里隋初嘗遷郡於此

太湖中山有七十二而洞庭東西二山為大又其大者

曰馬迹山今屬武進縣

東山一名莫釐山去胥口西南四十里周迴四十里國  
初原屬角頭巡司因去西山遼絕復置東山巡司以轄  
之居民稠密商賈為業重利而輕生一遇寇警合由之  
人齊奮而出自相抗禦嘉靖中設兵哨營寨有八在北

曰司馬哨曰梁山哨在南曰渡船營在東曰北湖口在西曰長圻砦在東北曰蜂圻哨在西北曰毛園哨在西南曰葑山營各統之以耆民團長

西山古名洞庭山一名包山一名林屋山去胥口西八十里周迴百三十里角頭巡司在焉廬聚物產大畧與東山同亦素難犯嘉靖甲寅倭寇登刦一艘爲團長徐水等所截自黃麻門從漫山而下向空湖常州境去一艘爲耆民周瓚等所逐至獨山轉戰三四十合往元錫境去蓋山民重於保家而輕於用命又其在湖諸舡素狎風濤設旱砦有六北曰大勝南曰石公東曰元山西

卷十六

江南四

二

曰舟山東南曰龜山西南曰廟山各領之以團長隊長蘇州出湖有二口曰胥口曰鮎魚口胥口在府城西四十里周益公游山錄云太湖東邊兩山對峙南曰胥山北曰香山中一水曰胥口蓋太湖支流之東出者也凡至東西二山並由此道鮎魚口在府城南十五里石湖在府城西南十二里西南通太湖東北一水入橫塘曰越來溪

澹臺湖在府城南十八里東接運河

郊聚

木瀆鎮在縣西南三十里出胥口

橫金鎮在西南三十里

光福鎮在縣西五十里鄧尉山下

古跡

姑蘇臺在縣西南三里橫山西北麓

長洲縣

疆域

附府城東

巡司

吳塔巡簡司

陳墓巡簡司

舊有塘浦  
巡簡司革

卷十六

江南四

三

山水

虎丘山在府城西北七里吳王闔廬葬此上有劔池

陽城湖在府城東北二十里界長洲崑山二縣之間周

迴里匯諸水東北入於海

至和塘在府城東自婁門至崑山七十里宋至和二年

崑山主薄丘與權築中為橋梁五十二其南為沙湖北

為陽城湖而至和塘隔絕其中

沙湖在府城東二十里橫絕崑山道上風濤為患宏治

九年工部主事姚文灝於塘之南截湖為堤廣二丈袤

三百六十丈

陳湖在縣東南三十五里自葑門瓦屑涇東行歷王墓大姚而注澱山謝澤員泖入華亭界

郊聚

泖墅鎮在縣西北二十五里南北運道之要衝戶部分司在焉

甫里鎮在縣東南四十里角直浦上東接崑山界

陳墓鎮在縣東南五十五里東接崑山界南近澱山湖陸墓鎮在縣北二十里

尹山市在縣東南二十里南接吳江界

按吳縣所轄皆山防守止一太湖而已長洲分界在府

卷十六

江南四

四

東南北三面並皆水道旁接三縣又當海口東來之衝故嘉靖中設營防守之制尤詳合具載於左

陸涇壩在婁門東六里嘉靖中兵部任環破倭於此長洲之東四十里至陸市鋪而交崑山縣界舊之設險者凡三重焉官瀆橋營所以捍衛婁門爲第一重也陸涇橋築土壩建木城敵樓設團營於陽城湖濱所以爲唯亭官瀆二營之策應乃第二重也最東近陸市鋪設小唯亭營所以禦敵之來若外戶然乃第三重也其北陽城村團營相城團營皆爲湖防而設荻匾團營乃爲彭滄而設皆所以羽翼陸涇官瀆者也

葑門東六里爲黃石橋營又六里爲金雞滄又六里爲斜塘營又六里爲塘浦巡司乃吳淞江轉折而南處也土壩在焉自此而東爲角直浦與崑山交界葑門之東南三里有瓦屑涇在蔑渡橋北從北涇入歷黃天蕩六里至瀆墅湖又三里至鑊底潭又東八里至陳湖又東南至澱山湖又東南至泖塔湖並曠野難於設備惟鑊底潭有村落可以控三泖之路

葑門直南而行歷蔑渡橋營尹山鎮而浮橋瑣於水口者夾浦也乃吳淞之上流也東通澱湖三泖西對夾涇港連太湖南抵吳江諸江北接長洲尹山諸湖賊舟若

卷十六

江南四

五

至夾浦則南犯吳江北犯長洲勢不可遏矣夾浦設團營官兵而其東吳淞江章練塘又各設兵所以爲外障也

齊門外直北五里爲陸墓又五里爲周涇舖又二里爲蠡口巡司從此而北至永倉敵樓與常熟接壤所謂常熟官塘是也通計團營之設者曰無量營石家濱營夾塘東西而立乃齊門外第一層險也陸墓營南橋鎮營亭東西夾塘而設乃第二層險也陸墓之北爲蠡口營蠡口之西北爲冶長營冶長之東北爲永倉營其形若鼎足者乃第三層也塘之東爲彭堰爲陽城湖施澤湖

直通常熟崑山二縣塘之西爲長蕩爲曹湖爲黃埭蕩  
直通無錫若蠡口者郡城之北門也又有錢萬里橋團  
營則緣郡城西北空野其水與長蕩相連而設露城鎮  
團營則緣郡城東北空野其水與陽城湖相通而設一  
則爲婁齊門之羽翼一則爲閶門之羽翼也

吳塔在縣北五十五里常熟界舊設巡司今移蠡口  
閶門外要衝莫若滄墅往年倭寇五十三人自南京至  
吳縣之□涇爲官兵所截正由乎此其南爲楓橋商賈  
駢集乃□蘇之正道也又有虎丘山塘涇貨物亦阜乃  
入蘇之間道也今設滄墅鎮營其北又設望亭團營

卷十六

江南四

六

吳江縣

疆域

在府東南四十五里

城

周五里二十七步

驛

平望驛

舊有松陵驛革

巡司

震澤巡簡司

汾湖巡簡司

平望巡簡司

同里巡簡司

簡村巡簡司

舊有長橋爛溪因  
瀆三巡簡司俱革

形勢

松江太湖水國之勝

宋范成  
大集

山水

太湖在縣西二里入湖有三路西北曰柳胥西南曰簡村其一則西郊

徐師曾志曰太湖中一十八港樞紐湖心朝夕吞吐利害最大其西之田日蝕於湖者謂之坍湖其東之

卷十六

江南四

七

沙日漲為田者謂之新漲

歲有新增其數難定

各以萬計東南

二湖俱成原隰則壤為科亦以萬計城南高壤俱成民居今之議水利者每於此而數息焉

又曰坍湖新漲本同一體然坍湖出於天數新漲則猶有人助焉近年以來坍者少而漲者多蓋由蘆葦日煩則沙泥易積非若坍湖之專俟乎風濤也又其地充斥難於丈量故易隱而難明其為水利之害非一日矣

松江一名吳淞江禹貢三江之一也枕縣東門自長橋下東流至尹山北流至甫里東北流至澱山北合趙屯

浦又東合大盈浦又東合顧會浦又東合松子浦至宋家橋與黃浦合流入海其口名曰滬瀆  
鶯脰湖在縣南四十里源自天目東流至荻塘會爛溪水并出平望匯於此

汾湖在縣東南六十里與嘉興分界東出三泖

龐山湖在縣東北三里太湖水自長橋東北入此合吳淞江東注

白蜆江在縣東南四十里或云卽古之東江

荻塘自平望鎮西行至烏程縣南潄鎮凡七十里

### 關梁

## 卷十六

江南四

八

長橋在縣東門外宋慶歷八年縣尉王廷堅建以木爲之東西一千餘尺橋中有垂虹亭元泰定二年判官張顯祖甃以石下開六十二洞至元十二年增開八十五洞

志曰橋之西北有葉家匯又名蕩上沿城二里張爲民居太湖松江吞吐之交自來言水利者徃徃以橋爲碍但其來已久居民千計又難輕議權宜節制母令日填月築以塞江口可矣

宋時有減水則石二各長七尺有竒樹於垂虹亭之北其左一石橫爲七道道爲一則以下一則爲平水之衡

水在一則則高低田俱无患過二則極低田澆過三則稍低田澆過四則下中田澆過五則上中田澆過六則稍高田澆過七則極高田俱澆如某年水至某則爲灾卽於本則刻之曰某年水至此每年各鄉報則灾傷官司雖未及遠臨踏勘而某等之田被灾已預知於日報水則之中矣其右一石分爲上下二橫每橫六直每直當一月其上橫六直刻正月至六月下橫六直刻七月至十二月月三旬故每月下又爲三直直當一旬三季二十九旬凡二十九直其司之者每旬以水之漲落到某則報於官其自過則爲灾者刻之法如前

卷十六

江南四

九

沈啓曰二碑石刻甚明正德五年猶及見之其橫第六道中刻大宋淳熙三年水到此第七道中刻大元至元二十四年水到此正德五年大水城中街路皆斷不通人往稽其碑水到六則與宋淳熙中同則元之水尤過也今石尙存而宋元字跡與橫刻之道盡鑿無存矣

郊聚

平望鎮在縣南五十里爲嘉興湖州二府必由之路

其南

三十里曰王江涇秀水界其西爲荻塘入烏程

宋置砦僞吳張十誠嘗築城於

此嘉靖三十三年爲倭所焚三十四年復犯平望知縣

楊芷守盛墩在北平望幕府調宣慰彭盡臣兵二千至大敗之於平望

徐師曾曰平望邑之屏蔽也雄據南北戰守咸宜使城尙存則己卯之變豈至此極乎小民恏於用財有司沮於浮議此議者之所深憂也

爛溪在縣西南一十八里北連鴛脰湖爲蘇嘉湖三府之界諸水之所會也烏鎮爲湖州望鎮而爛溪之南實抵鎮之北柵故甲寅之亂寇屢經此舊設巡司國初移置嚴墓村萬歷初革

震澤鎮在縣西南九十里北濱大湖東通鴛脰西接南

卷十六

江南四

十

潯南連諸漾凡嘉興以北湖州以東諸水悉會於此夾浦在縣北一十里乃吳淞江之上源太湖之委流也賊若自吳淞江而來南犯吳江北犯長洲此爲分踪要衝或寇入太湖欲出東海而由鮎魚口瓜涇港以來亦自夾浦橋出乃往來必經之道也況爲運河關隘賊若據此則本縣與郡城聲援不相接矣此爲縣北第一要害

鮎魚口在太湖之北距縣治十八里南受太湖北流匯爲鬱塘又北過五龍橋入吳縣界爲盤門運河爲古塘口入長洲縣界爲澹臺湖與運河合賊若自郡城走吳

江必自五龍橋出鬱塘或從太湖或從古塘而鮎魚口乃必由之道也

簡村在縣西南十里北至鮎魚口南至震澤鎮舊設巡司於此 國初移置充浦村

同里鎮在縣東十里四面皆湖民居稠密縣東之藩籬也賊若自淞江而來由三泖澱山而至或自崑山而來由新洋江角直而至則同里並當其衝

汾湖東通三泖西接勝墩賊自松江而來此亦一大道也

按吳江一縣界浙直之間當運道之衝天下有變所

卷十六

江南四

十一

必爭之地而松江一帶限乎其中宋人所謂重江之險者也考之於史越伐吳吳子禦之於笠澤南齊王敬則反吳郡太守張瓌拒之於松江梁侯鎮追侯景及於松江並在今吳江之境其時未立縣治故以水名其地也宋建炎二年高宗幸杭命張俊以八千人守吳江四年以巨師古守吳江五年金人自南來師古兵潰當日有焚橋之議者亦以江流迅急阻水易守也迨元至元十三年伯顏引兵南下而置鎮守長橋水軍萬戶府者亦慮宋人之扼水而斷其後也自泰定中立石橋截江而爲陸路京口一騎可達錢塘

而松江之險失矣然運道之外四郊深莽皆爲水區  
非舟不通而又西南抵苕霅西北至宜興東出吳淞  
江口則此一邑者固水中之衝地也水窟深阻盜賊  
因之故 國初巡司之設每邑僅二三而吳江遂至  
於入及海寇之作吳江以腹內之邑而出入獨多盛  
墩一捷倭氣遂沮則此邑之伏戎亦不易防也哉

常熟縣

疆域

在府北一百五里

城

卷十六

江南四

十二

周九里三十步

巡司

許浦港巡簡司

白茅港巡簡司

黃泗浦巡簡司

舊有福山港  
巡簡司革

形勢

濱江控海吳之北門

縣志

山水

虞山在縣治西北越絕書云古巫咸所居其上有仲雍  
墓

福山在縣北三十六里下臨大江與通州狼山相對宋置水軍砦今爲福山鎮嘉靖中爲倭寇出入之道乃築堡設把總水兵於此

古有曰常熟爲蘇之北門而福山又常熟之北門也舊有巡司而嘉靖中又設把總指揮統水兵在江巡哨府縣官統陸兵在鎮屯守可謂密矣然寇犯本港須目三片高家縣後以至三沙然後西至本港則三沙之防守猶所當重必須奏分蘇州一所官軍常川住札如吳淞江事例方爲長策又修復五代錢氏運閘之制外可以限海船之來而內可以節水兵農水利之道莫善於此

卷十六

江南四

十三

利之道莫善於此

尙湖在縣西南四里

華蕩在縣西南十五里

昆承湖在縣東南五里

白茆港在縣東北八十里自縣城東南受尙湖昆承湖諸水東北入於海 國初置巡簡司天順五年置砦每春夏蘇州衛分委指揮一員千戶二員百戶四員領軍士四百餘人至此操練備倭

萬歷三十四年知縣耿橘水利書曰白茆港自本縣東南門起至於海長八十里而遙凡太湖之水自長

洲無錫而下者若蠡河若常熟塘若陽城傀儡巴城等河皆會於本縣之華蕩昆承湖尙湖由白茆入海故白茆通則長洲無錫東注之水咸有所洩太湖底定而常熟爲樂國白茆不通則常熟爲巨浸而長洲無錫諸水皆無所洩而太湖不定 國朝開浚之後凡五舉若夏司農公原吉徐司空公貫李司空公充嗣海都御史公瑞林侍御公應訓咸後先相繼主其事者而經費有煩簡之異享利有久暫之殊何邪自今攷之有調夫旁郡二萬餘人者有大發近郡徒卒工費視前加倍者皆載在志書而海公林公之役猶

卷十六

江南四

十四

有卷可查海公之役計費四萬有奇不三年而旋淤說者謂稽查無法要任當久之故是非卑縣之所敢知林公之役費不過二萬五千而迄今廿餘年吳地無苦大旱大澇者咸頌德林公不衰焉奈何數年來此港淤沙漸起日甚一日議者謂有海變桑田之勢今查自海口至於墩頭三里間一帶陰沙或東或西恒無定勢其水深不過一二尺此爲塞漲之根自墩頭而西抵於雉浦七十餘里之間雖淤䟽相間然大半淺狹矣浚者水不過一二尺深者僅容一舸吁可畏哉卷查萬歷七年林公之役實浚者不過中間四

十五里之長自海口至橫塘二十一里自歸家橋至東南門一十五里當時俱未之淤未之浚也夫橫塘以東歸家橋以西當時既係深濶則其中間四十五里之內定未必如今日之淺狹矧今日之淺狹者且有七十里之遙也一旦告塞無論邊港高區失其灌漑之利而縣南東南西南一帶低區東洩之道既絕西來之水日澹不必於大澇之年而滔天之勢已在目中萬一商羊爲灾有不敢逆料逆言者當其時其勢常熟必爲長洲無錫之壑華蕩昆承湖尙湖不安其位長洲無錫必爲太湖之壑蠡湖常熟塘城陽傀儡巴等城湖俱不安其位太湖必將沉溢而靡定也吁可畏哉本縣查看水利白茆港不敢不列於急疏之條以告於當事者

曰港口西距縣治九十里東臨大海洪武初本港原設巡簡司天順初因江面水濶倭舡乘風而上輒抵城下添設官兵立教場操演爲防春之計成化中置營寨官廳鼓樓軍房七十餘間嘉靖中因倭寇復撥衛所官兵及游兵把總廣福蒼沙等舡水陸防守且建朱家堡於近地較之國初聲勢十倍然寇所從入之路必自東北洋乘輕舸道三井高加堰後

以至三沙視風汛之順逆以犯福山白茆而犯本港之路則登舟沙其緊要門戶也若遏之於登舟之東北賊不能登犯本港矣此又拒寇於上游之策也許浦在縣東北七十里西接梅李塘北入大江宋設水軍砦二以都統制領之 國初改爲巡檢司

按有言曰許浦要害與白茆同宋詳於本港而略於白茆我 朝則反其制何也許浦在宋時爲大道故苗劉之變韓世忠提兵勤王季寶奏膠西之捷皆由此入今其壞半嚙於江存者亦漲而爲田矣近年倭寇屢從此岸陸行至梅李蓋避白茅福山兵舡之阻

卷十六

江南四

十六

而乘我之無備也本港司兵不足以當之寇遂橫行擄掠或直擣城下今宜設兵舡於此防禦而團結鄉兵爲扼險之計水陸兩利矣

福山塘自縣北門行三十六里入大江福山渡在焉元末張士誠由此入據全吳

奚浦在縣西北七十里

三丈浦在縣西北八十里迤西二里爲黃泗浦並北過大江嘉靖乙卯三丈浦常爲賊巢叅政任環殲賊於此者再乃遁去

州塘自縣南門八十里至府城齊門本名元和塘一名

雲和塘唐元和四年郡守李素築

### 郊聚

梅李鎮在縣東北三十六里又東北爲許浦東南爲白茆西北爲福山道里適中之地吳越錢氏遣二將梅世忠李開山戍此以防江故名嘉靖中賊首劉鑑自許浦入寇常巢於此

吳塔在縣南三十里與長洲分界在尙湖華蕩之東南蠡口之東北其南爲入蘇大道而華蕩蠡口皆通無錫往年賊自無錫而來北入三丈浦賊巢常由此道而掠洞庭兩山之賊過齊門去者亦此道也設巡司屬長洲

## 卷十六

江南四

十七

### 縣

唐市在縣東南三十里

耿橋平洋策曰昔龔遂治渤海悉罷逐捕盜賊吏諸執鉏鉤田器者皆爲良民吏毋得問持兵者乃爲賊於是羣盜解散復爲良民不殺一人不費一餉而大盜悉平然則今日治江海之盜者亦宜略仿此意而行之再吳中風俗農事之獲利倍而勞最愚懦之民爲之工之獲利一而勞多彫朽之民爲之商賈之獲利三而勞輕心計之民爲之販鹽之獲利五而無勞豪猾之民爲之吁私鹽之行官鹽之滯勢不得不設

爲重禁添兵巡捉名之曰賊然其實皆良民也夫鹽之爲物乃人家常用如水火之不可缺也故禁之愈嚴而價愈涌價愈涌而私販愈多大利在前走死地如驚毋足怪者而自有諸巡役以來兵舡周游列械張旂而販者之舡亦各具旂械以應之矣應者人日益衆勢日益張而巡者止有此數奚啻止有此數而已姑婪常例以縱之販繼且躬爲販而假之巡終且尋一二愚懦買鹽自食者而誣之販甚且以己鹽寄趕商民舡中而誣之賊被販者視諸兵役之往來巡視直蠅翼過前耳始具械以應諸巡已而巡無足應

卷十六

江南四

十八

械有可持往往於空濶之處波濤之中刦擄人財矣勢大黨多橫行江海如無人矣至於今日名爲販而實爲盜矣故愚以爲不大弛鹽禁而欲靖江海之盜必不得之數也惟鹽禁弛則販鹽者無不諱之名得與諸商賈等與諸商賈等自無用多招亡命屢設兵械亦不必豪猾之民始爲之吾乃視其舡有旂械者卽爲賊無旂械者卽爲商賈商賈通鹽價平彼豪猾者時驅之販而亦不爲已此令一申而諸盜可保十九爲良民也卽有一二怙終不悛者共勢孤其擒勦易易耳第鹽法之設乃祖宗之制臣子不得議弛

若論其實 祖宗之所以設行鹽法者不過借鹽之利以齊 國計耳若查各州縣舊例如每年應獲囚鹽若干應賣官鹽若干定爲規則其囚鹽令有司均派各販名下如典稅之法四季易銀類解其官鹽引到日仍發各販易銀交付商人於 國計何損不然爭錙銖之利陷赤子於不赦之條而以誅殺從事卽能勝之於元氣必有所損萬一不勝其所損可勝道哉夫天下有禁之而反以熾弛之而反安於無事者此計是也此化盜爲良之最善策也

卷十六

江南四

十九

崑山縣

疆域

在府東七十里

城

周十里二百七十八步

巡司

石浦巡簡司

巴城巡簡司

山水

馬鞍山在縣治西北

吳淞江在縣南九里西接長洲東入嘉定縣界  
新洋江在縣東南六里南納吳淞江北入太倉塘以達  
於海

澱山湖在縣東南六十里北岸屬崑山南屬青浦其源  
白吳淞江分流由急水港鍾爲湖曰薛澱一自長洲白  
蜆港分流入此周迴幾二百里北由趙屯浦東由大盈  
浦入於吳淞江南由爛路港入三泖

按志載澱山湖北中爲一澳曰山門溜溜之中又有  
科路港與磧澳鄰及大石浦小石浦通洩湖流後潮  
淤圍田湖去西北已遠今趙屯大盈去湖益遠及由

卷十六

江南四

二十

何家港及南北漕湛湖受水以洩於江水患多矣  
巴城湖在縣西北二十五里

小虞浦在縣西南三里潮汐南北兩來故古於嚴村灣  
置閘今尙有閘頭之名

下駕浦在縣東南二十里永樂初夏忠靖公開鑿倍廣  
於昔因易名夏駕

千墩浦在縣南四十里水樂初夏忠靖公開鑿

至和塘卽婁江故道又名崑山塘古連湖瀼無陸途甚  
爲民患宋至道中議欲修治不果皇祐中發運使復申  
前議命王安石相視又不果至和二年主簿邱與權始

陳五利知縣錢公紀復言之於是興役塘成名曰至和嘉祐六年轉運使李復至知崑山韓正彥大修治之益加完厚民得立塍竭以免水患

七了浦在縣北三十里西通陽城傀儡二湖西南通巴城湖東北入於海昔人以一浦不能洩三湖於縣西北二十二里長洲常熟二縣接界地名斜堰建大堰以遏陽城傀儡二湖北由黃涇下白茆入海今廢

### 郊聚

眞義鎮在縣西二十里巴城巡司在焉其西三里與長洲交謂之界浦西北二三里爲陽城湖東北五里爲傀

## 卷十六

江南四

二十一

儡蕩又北數里爲巴城湖水澤環屬舟楫通利鹽盜出沒眞義實當三面之衝賊若由府治而來必經此道蓋西徑之咽喉也

石浦鎮在縣東南四十里南接青浦縣界

歸有光與邑令論三區賦役水利書曰竊承明侯以本縣十一十二十三保之田土荒蕪居民逃竄歲通日積十數年來官於並士者未嘗不深以爲憂而不能爲吾民終歲之計明侯下詢芻蕘竊惟二區雖隸本縣而連亘嘉定迤東沿海之地號爲墘身田土高仰物產瘠薄不宜五穀多種木棉土人專事口績周

文襄公巡撫之時爲通融之法令此三區出官布若干疋每疋准米一石小民得以其布上納稅糧官無科擾民獲休息至宏治之末號稱殷富正德中始有以一人之言而變易百年之法者遂以官布分俵一縣夫以三區之布散之一縣未見其利而三區坐受其害此民之所以困也夫高阜之地遠不如低窪之鄉低鄉之民雖遇大水有魚鼈芟蕩之利長流採捕可以度日高鄉之民一遇亢旱彌望黃茅白葦而已低鄉水退次年以膏沃倍收瘠土之民艱難百倍也前巡撫歐陽公與太守王公行牽耗之法但於二保

卷十六

江南四

廿二

三保低湮水鄉特議輕減而於十一十二十三保高旱旱區却更增賦前日五升之田與槩縣七八等保膏腴水田均攤三斗三升三合此蓋一時失於精細而遂貽無窮之害小民終歲勤苦私家之收或有不能及三斗者田安得不荒逋安得不積此民之所以困也吳淞江爲三州太湖出水之大道水之經流也江之南北岸二百五十里間支流數百引以灌漑自頃水利不修經河旣湮支流亦塞然自長橋以東東流之水猶駛迨夏駕口至安亭過嘉定青浦之境中間不絕如線是以兩縣之田與安亭□界者□□□

以二區言之吳淞既塞故瓦浦徐公浦皆塞瓦浦塞則十一十三保之田不收徐公浦塞則十三保之田不收重以五六年之旱溝澮生塵嗷嗷待盡而已此氏之所以困也生愚妄爲執事者計之其一曰復官布之舊乞查木縣先年案卷官布之征於三區在於某年其散於一縣在於某年祖宗之成法文襄之舊稅一旦可得而輕變獨不可以復乎今之賦役冊凡縣之官布皆爲白銀矣獨不思上供之目爲白銀乎猶爲官布乎如猶以爲官布則如之何其不可復也古之善爲政者必任其土之所宜以爲貢文襄之意

卷十六

江南四

二十三

蓋如此卽今常州府有布四萬疋彼無從得布也必市之安亭轉展折閱公私交敝有布之地不征其布而必責其銀無布之地不征其銀而必責其布責常州以代輸三區之銀則常州得其便責三區以代輸常州之布則三區得其便是在一轉移之間也其二曰復稅額之舊牽耗之法係蘇州一郡之前王公已定耗法均攤之田三斗三升五合歉薄之田二斗二升旣而會計本縣薄田太多而三十六萬之外乃增餘積米數千王公下有司再審歉薄之田均攤數千之米此王公之意欲利歸於下也有司失於奉行

如三區者終在覆盆之下而所存餘積之米遂不知所歸欲乞查出前項餘積作爲正糧而減三區之額復如其舊此則無事紛更而又有以究王公欲行而未逐之意矣夫加賦至三斗而民逋日積實未嘗得三斗也復舊至五升而民以樂輸是實得五升也其於名實較然矣旣減新額又於逃戶荒田開豁存糧照依開墾荒田事例召募耕種數年之間又必有甦息之漸也其三曰修水利之法吳淞江爲三吳水道之咽喉此而不治爲我民之害未有已也先時言水利者不知本原苟徇目前修一港一浦以塞責而已

卷十六

江南四

二十四

必欲自原而委非開吳淞江不可開吳淞江則崑山嘉定青浦之田皆可墾議者不究其本因見淞江種蘆葦之利反從而規取其稅自用直浦索路港諸地悉爲豪民之所占向也私古而已今取其稅是教之塞江之道也上流旣壅下流安得而不淤乎生愚爲三區之田而欲開吳淞江似近於迂然恐吳淞江不開數年之後不獨三區而三州之民皆病也若夫開瓦浦漑十一十二保之田開徐公浦漑十三保之田此足支持目前下策也生愚聞之古之君子爲生民之計必不肯拘攣於世俗之未議而決以敢爲之志

況此三區本縣蕞爾之地在明侯之宇下得升斗之水可以活矣伏愿行此三策庶幾垂死而再甦之其有德乎吾民甚大又今旱魃爲灾明侯昔日車馬所通瀕河人迹所至之處禾稼僅有存者至於腹裏無復青草近經水潦徃徃千畝之田枯苗數莖隨水蕩漾而已救荒之策免租之議此如拯溺救焚尤不可緩者又今三區無復富戶所充糧役不及中人之產賠賁之累尤不忍言乞念顛連無告之民照宏治中例及太守南岷王公新行事例免其南北運庫子馬役解哀之類此亦可以少紓目前之急也惟明侯留

卷十六

江南四

二十五

意焉

嘉定縣

疆城

在府東一百四十里

城

周一千六百九十四丈一尺八寸

所

吳淞守禦千戶所在縣東南四十里周五里十四步城

洪武十九年滎陽侯鄭遇春等築屬太倉衛

守禦寶山中千戶所在縣東南公十里嘉靖三十六年

曰大倉衛移此名協守吳淞中千戶所萬歷五年改名寶山

按有人曰嘉定東濱大海南據吳淞江北枕劉家河誠三面受敵之地倭舶之來也大海淼茫難於收泊以寶山爲表識故蘇之寇患惟嘉定受之■嘉定沿海地方共七十里吳淞江口乃適中之處也由江口延袤而南則自老鸛嘴以至寶山南匯金山出江口迤邐而北則自綵淘以至黃窟劉家河由江口而深人則迤南五十里卽爲黃浦直至上海自黃窟而登岸則嘉定太倉崑山蘇常連數百里是吳淞江者南

卷十六

江南四

二十六

爲上海門戶西爲蘇常藩籬乃東南第一險要備吳淞江卽所以備上海備上海卽所以備蘇常也舊制原設吳淞江千戶所守禦於江之西岸嘉靖十九年海水決齧所城僅存西南一隅乃復建新城辟水患周圍四里當太江之旁

或曰均之海濱也險要莫如劉家河而以此爲第一何也曰海中諸夷狡猾莫如日本入寇□莫如日本山東浙直與寇爲鄰然山東之海水勢湍悍山脉聯絡非熟共境者不可行且勾引接濟之人未嘗有也故倭患獨浙江之海山舉爲多而通番者獨衆故寇

舶自外海而來以洋山爲入犯之的必至此而後分  
艘若直之崇明則諸沙錯落延袤三百餘里暗途相  
貫有若爲華夷之限者惟三片高家一路可以通舟  
而不可重載惟此一路寬深可行毋有壅碍寶山之  
外沿海  
有陽家路  
者是也而竹箔一沙橫亘其外隱然爲之外護焉  
國初海運特築寶山以爲準的蓋爲此也故竹箔  
之南吳淞之要道也竹箔之東劉家河之門戶也若  
設重兵於此防守賊寇豈惟不能侵犯內地雖二江  
之口亦得息肩矣

巡司

卷十六 江南四

二十七

顧涇巡簡司

江灣巡簡司

舊有吳塘  
巡簡司革

山水

寶山在縣南八十里永樂十年平江伯陳瑄督海運東  
築爲表識賜名寶山 御製碑文

吳淞江在縣東南四十里入海其口爲千戶所城

按又言曰吳淞江各支河之水俱由江東老鸛嘴寶  
山李家堰一帶出海此嘉定上海分界也近來吳淞  
所海灘漲成平地潮勢衝突李家口比舊迅疾泥沙  
滾入裏河一潮便有一紙之厚吳淞之易於堙塞職

此故耳議者欲於宋家江口築閘以遏潮沙亦爲良策

白鶴江古稱白鶴匯自北至蟠龍環曲爲匯不知其幾

宋胡恪云古有五匯四十二灣五匯者安亭匯白鶴匯顧浦匯盤龍匯河沙匯以其江水與潮會合之地故名

曰匯古云八里爲一灣一灣低一尺今嘉定之吳淞江白鶴江青龍江口亦爲之三江口江面濶七里地勢低

於震澤水行迂滯溢而爲災宋嘉祐中自其北開爲直

江徑瀉震澤之水東注於海自此吳中得免水患今江蓋故匯遺迹雖以江名僅同溝澮而已其南爲西霞浦俱東入大盈與青龍江斜對

青龍江圖經云昔孫權造青龍戰艦於此故名在唐末

卷十六 江南四

二十八

時其上爲巨鎮今鎮爲丘墟江亦淺狹如白鶴然其上流西接大盈浦東接顧匯浦下流合浦江浦江之西爲趙浦按趙浦在青龍江口北越吳淞江入嘉定界此開江取道分屬於南之驗也

綵淘港在嘉定縣東南與吳淞所相近亦江灣大場諸水入海之口

練祁塘嘉定之水莫大於黃瀝東西莫大於練祁練祁之水橫貫縣市東西長七十里自西關出合顧浦以南入吳淞北折則由鹽鐵塘出劉家河縣治東有水道與湖海接今被豪客閉塞江水海潮皆不通矣

嘉定北至公塘口出劉家河俱名橫瀝邨亶所謂南徹  
淞江北通常熟者卽此今淤

婁塘在嘉定北十二里自裘涇出爲顧浦自顧浦而東  
爲婁塘橫瀝塘中貫之北出劉家河俗呼公塘口是也

卷十六

江南四

二十九

天下郡國利病書卷十六終

敷文閣聚珍版